

Papsturkunden in Frankreich. Band 5: Touraine, Anjou, Maine und Bretagne., Nr. 183

Lucius episcopus seruus seruorum Dei. Venerabili fratri B. Turon(ensi) archiepiscopo salutem et apostolicam benedictionem. Mota iam pridem questione inter I(oscium) bone memorie predecessorem tuum et canonicos beati Martini Turon(ensis) et Rog(erium) abbatem Cormaricen(sem) super subiectione et obedientia, quam idem predecessor tuus a predicto abbate sibi conquerebatur iniuste subtractam, accesserunt partes ad presentiam felicis memorie Alex(andri) pape predecessoris nostri et, cum non posset cause debitum finem imponere, eam bone memorie M(atheo) Trecen(si) et uenerabili fratri nostro P(oncio) Claromonten(si) et uiris aliis honestis et discretis, qui sibi assidebant, mediantibus inter te et Sulpitium successorem predicti abbatis et decanum et canonicos sancti Martini de libero et spontaneo assensu partium amicabile facta est compositio et in autenticum scriptum redacta, sicut ex eodem scripto manifeste dicitur comparere. Nos autem questionem sopitam nolentes indebite suscitari, qui tenemur litibus finem imponere, compositionem ipsam, sicut de assensu partium in presentia predicti Claromonten(sis) facta est et hinc inde recepta et hactenus obseruata et in scripto autentico ipsius episcopi continetur, ad exemplar iamdicti predecessoris nostri ratam habemus et firmam eamque auctoritate apostolica confirmantes presentis scripti patrocinio communimus. Statuentes, ut nulli omnino hominum etc. Si quis autem etc. Dat. Velletri kal. iunii.